

上虞縣志校續卷十六

列傳十二 列女

阮修容 楊皇后

梁

阮修容諱令羸梁書本姓石揚州會稽上虞人王父元恭宋

昇明中仕至武騎常侍考靈寶永明中為奉朝請修容以

昇明元年丁巳六月十一日生生而紫胞朝請以為靈異

年數歲能誦三都賦五經指歸過目便解同生弟妹各二

人為家之長朝請永明之朝密勿王事多在禁省不得休

上虞縣志校續

卷十六 后妃

外處分家計專以仰委號為女王拊循弟妹閨門輯睦隆

昌元年齊世祖因荀昭華薦以入宮及建武之時金樓子始

安王遙光納焉遙光敗入東昏宮南史梁書同建康城平為武

帝采女在孕夢龍罩其牀天監六年八月生元帝於後宮

是日大赦尋拜為修容賜姓阮氏南史先是丁朝請之憂毀

瘠過禮見者不復能識母陳氏繼而艱故攀號慟絕殊不

勝哀乃刻木為二親之象朝夕虔祀每歲時伏臘必隨淚

下後隨元帝歸會稽原作隨繹或謂衣錦歸鄉古今罕例

詢求故實贍卹鄉黨扶老攜幼並沐恩猷修容勤營功德

恒事賑施又躬自禮千佛無隔冬夏京師起梁安寺上虞

起等福寺即等慈寺在荊州起禪林祇洹等寺潯陽治靈邨嚴

慶等寺大同九年南史梁書並作六年非癸亥六月二日庚申薨於

江州春秋六十七金樓子其年十一月歸葬江寧縣通望山

謚曰宣元帝即位有司奏追崇為文宣太后還祔小廟承

聖二年追贈太后父齊故奉朝請石靈寶散騎常侍左衛

將軍封武康縣侯母陳氏武康侯夫人南史。案南史梁書並作餘姚人金

樓子作上虞人子述母事宜無不確且虞地建等福寺即

今之等慈寺不於餘而於虞尤為虞人之確證又南史梁

書並云大同六年薨不著生年金樓子則生於昇明

元年丁巳薨於大同九年癸亥紀敘分明更為可據

上虞縣志校續

卷十六

后妃

二

宋

楊皇后少以姿容選入宮忘其姓氏或云會稽人慶元元

年三月封平樂郡夫人三年四月進封婕妤好有楊次山者

亦會稽人后自謂其兄也遂姓楊氏案正統志后父名漸明德觀即后故居也

五年進婉儀六年進貴妃恭淑皇后崩中宮未有所屬貴

妃與曹美人俱有寵韓侂胄見妃任權術而曹美人性柔

順勸帝立曹而貴妃頗涉書史知古今性復機警帝竟立

之嘉定十四年帝以國嗣未定養宗室子貴和立為皇子

賜名竑史彌遠為丞相信任於后遂專國政竑漸不能平

彌遠懼陰蓄異志欲立他宗室子昀為皇子十七年閏八月丁酉帝大漸彌遠夜召昀入宮后尙未知也彌遠遣后兄子谷及石以廢立事白后凡七往反后始不可既而召昀入拊其背曰汝今為吾子矣遂廢竑為濟王立昀為皇子即帝位尊皇后曰皇太后同聽政寶慶二年十一月戊寅加尊號壽明紹定元年正月丙子復加慈睿四年正月后壽七十帝率百官朝慈明殿加尊號壽明仁福慈睿皇太后十二月辛巳后不豫詔禱祠天地宗廟社稷宮觀赦天下五年十二月壬午崩於慈明殿壽七十有一諡恭聖

上虞縣志校續

卷十六

后妃

仁烈宋史

曹娥

孟淑

孝婦包全女

已上漢

謝道韞晉

朱娥

楊妹子

王術妻

已上宋

馮夫人

柳氏二節

顧圭妻

已上元

賈貞女

潘景鏞妻

俞宗琳妻

賈章妻

羅明二妻

盧氏二節

劉禧妻

張廷揚妻

趙昕六妻

葉廉妻

曹氏二節

盧憲章妻

孫景雲妻

陳大純妻

韓氏二節

陳氏三節

羅女

葛璋妻

許女

唐氏二節

成孟吉妻

蕙妻附

徐彥能妻 徐彥明妻 鍾强妻 徐子瑾妻

謝鏐妻 丁詩妻時妾附 徐廷仁妻 車廷珏妻

車暉妻 姚守約妻 葛棐妻 朱棣妻

嚴鵠妻 顧院妻 范近南妻 竺氏三節

劉鳴陽妻 陳宏兆妻 范廣瀚妻 徐郡妻

徐娥 徐萬選妻 陳孝女 孫夫人

徐希明妻子如山妻 嫠女 姚淑人

徐振德妻 竺四妻 俞溥二妻 許成義妻

葛承憲妻 趙則乾妻 周國光妻 徐啟聰妻

上虞縣志校續 卷十六 列女 四

林谷妻 黃綵妻元孫婦馮氏附 陳尙禮妻

鍾省一妻子鳴岐妻 陸允純妻 羅繼誠妻

顧允省妻 袁同八妻 徐秉端妻 唐應奎妻

徐氏二節 劉氏二節 褚宜人 徐氏三孝婦

謝奎妻 徐國泰妻 宋大賓妻 丁氏三孝婦

王夫人 俞夫人 鄭振生妻 趙德遴妻

李浩然妻 鄭慧瑩 陳士顯妻已上明

漢

孝女曹娥者上虞曹盱之女也其先與周同祖盱能撫節

按歌婆婆樂神漢安二年五月五日迎伍君後漢書作迎

紀聞曰迎婆逆濤而上為水所淹不得其屍曹娥娥年十

四沿江號哭晝夜不絕聲旬有七日後漢書解衣投水廣輿

投瓜於江祝曰若值父屍衣當沈若不值衣當浮裁落便沈廣輿

記作旬有遂於沈處赴水而死水經經五日人鏡陽秋抱

父屍出曹娥國人哀其孝義為歌河女之章晉書夏至元

嘉元年縣長度尚改葬娥於江南道旁後漢書尚先使魏朗

作曹娥碑文成未出尙弟子水經注太平寰邯鄲滄甫弱

冠有異才因使試為之操筆而成碑文載朗嗟歎遂毀其

上虞縣志校續 卷十六 列女 五

草會稽典錄。案曹娥廟舊誌載娥八歲母患病篤願以

無所據且娥孝不藉此以傳今不錄又俗傳

娥父禱於鳳鳴山而娥生尤傳會不足信

孟淑中郎將質之女年十七當嫁適聘禮既至為盜所劫

淑祖父操刃對戰不敵見害淑以致盜由己乃喟然歎曰

微淑禍不生以身害祖父雖活何顏遂自經而死於越

孝婦包全女正統至孝養姑姑年老壽終夫女弟先懷嫌

忌乃誣婦厭苦供養加鳩其母列訟縣庭郡不加尋察遂

結竟其罪孟嘗時為郡吏先知枉狀備言之於太守太守

不為理嘗哀泣外門因謝病去婦竟冤死自是郡中連旱

二年禱請無所獲後太守殷丹到官訪問其故嘗詣府具陳寡婦冤誣之事因曰昔東海孝婦感天致旱于公一言甘澤時降宜戮訟者以謝冤魂庶幽枉獲申時雨可期丹從之卽刑訟女而祭婦墓天應澍雨穀稼以登

後漢書孟嘗傳因

以所居稱孝聞嶺

萬歷志

晉

謝道韞王凝之妻安西將軍弈女也聰識有才辯叔父安嘗問毛詩何句最佳道韞稱吉甫作頌穆如清風安謂有雅人深致又嘗內集俄而雪驟下安曰何所似也安兄子

上虞縣志校續

卷十六

列女

六

朗曰散鹽空中差可擬道韞曰未若柳絮因風起安大悅又嘗譏元學殖不進曰爲塵務經心爲天分有限耶及遭孫恩之難舉厝自若旣聞夫及諸子已爲賊所害方命婢肩輿抽刃出門亂兵稍至手殺數人乃被虜其外孫劉濤時年數歲賊又欲害之道韞曰事在王門何關他族必其如此盜先具殺恩雖毒虐爲之改容乃不害濤自爾孳居會稽家中莫不嚴肅初同郡張元妹亦有才質適於顧氏元每稱之以敵道韞有濟尼者游於二家或問之濟尼答曰王夫人神情散朗故有林下風度顧家婦清心玉映自

是閨房之秀道韞所著詩賦誄頌並傳於世晉書

宋

朱娥越州上虞朱回女也母早亡養於祖媪宋史治平三年

二月江公亮朱娥祠碑記里中朱顏與媪競持刀欲殺媪一家驚潰

娥年十歲江公亮祠記作十四獨號呼突前擁蔽其媪手挽顏衣以

身下墜顏刀曰寧殺我無殺媪也媪以娥故得脫宋史娥懼

追及挽顏衣不釋顏不勝其忿遂起手刃娥數十卒斷其

吭氣垂絕假息猶恐及祖母也獄具祖母猶坐詬詈郡從

事虞公大寧進議曰論法誠直顧無以慰沒者之志太守

上虞縣志校續

卷十六 列女

七

章侯岷從而釋之仍以其事上聞後三月有詔諭安其家

賜粟六束米三斛鄉人義之為設祠春秋祭也江公亮祠記其

後會稽令董楷為娥立像於曹娥廟歲時配享焉宋史

楊妹子宋寧宗恭聖皇后妹姜紹書韻石齋筆談恭聖善文翰有宮

詞傳世妹子詩尤工嘉慶志又善畫嘗寫趙清獻公琴鶴圖

不特琴聲入耳而鶴舞之態得傳圖繪寶鑑其書類寧宗凡御

府馬遠畫多命題詠曾題馬遠松院鳴琴小幅云閒中一

弄七絃琴此曲少知音多因淡然無味不比鄭聲淫松院

靜竹樓深夜沈沈清風拂軫明月當軒誰會幽心調寄訴

衷情波撇秀穎妍媚之態映帶縹緗

韻石齋筆談

潘氏王術妻術有至性父未食不敢食年二十餘母疾過浙延醫溺於水潘少艾其父勸之更適答曰女無二夫古義也且指其所遺二子曰我去置此何地守節撫孤終身不歸父家浙宣撫使張公旌異之

沈奎補稿

元

馮夫人魏道全妻名淑貞餘姚馮伯玉季女賦姿柔慧既歸孝尊章友娣姒敬夫如見大賓臨諸子如嚴師雖生長富貴家不樂紛華靡麗之飾年踰五十猶服勤絲枲不衰

上虞縣志校續

卷十六 列女

八

馭僕人媵女亦各有法恩義並至退無後言者閭里貧窶之人苟有稱貸多不責其償月旦之評謂夫人嚴而能恭儉而能惠信不誣矣

宋濂馮夫人墓誌銘

柳氏二節柳宗遠妻唐氏及其子桂妻陳氏也唐同邑子華女年二十三歸宗遠事姑孝越二年生子桂而宗遠卒唐誓無他志或以語試之唐忿曰吾喪夫命也婦一醮義也命乃天賦義出自心能昧吾心而負義乎益苦心瘁力以養姑命桂從學於鄉塾姑年八十餘乃終桂長娶陳氏逾年而桂亦卒陳年二十四或閔其無子勸之更適陳哭

曰此豈人所言吾姑不負吾舅吾敢負吾夫乎與姑相依以居姑食後食姑寢後寢家內外事必告而後行孝愛如母子歲時具肴酒祭柳氏亡人二婦煢然拜階下輒涕泣不能相視人稱爲雙節事聞詔旌其門曰雙節坊據宋濂撰傳俞氏顧圭妻方國珍侵上虞圭團結鄉兵與之抗不敵遂遇害俞盛年而寡事姑孝教子皆有成孀居三十年能使家貲裕於夫在時內外無間言徐一夔顧生墓誌。案通志府志顧圭作顧生圭自

明

上虞縣志校續

卷十六 列女

九

賈貞女名妙蓮父辛自洛陽南遷卜居虞之半山生蓮及笄未嫁而男亡父母爲擇配蓮痛哭不止遂引簪剔目自矢堅節侍親膝下耑工女紅終身焚修晚年以所積女工

置父祀產卒葬父之墓左

康熙志。案賈氏譜妙蓮父名管行辛三元邑庠生

俞氏潘景鏞妻名素英洪武末鏞戍潯州衛伉儷纒狹旬當從行俞曰姑垂白吾豕婦可從夫而不事高堂乎鏞行俞并曰操作骨立越七年鏞得以間歸復往臨行俞謂曰吾娠矣後得子湊又二年鏞卒聞訃不欲生紡績課子每至夜分雖裂膚折指必雞鳴而寐年四十九卒萬歷志

章氏俞宗琳妻年二十而宗琳卒遺腹子盛父母以其年
少子幼令改適章泣曰女亦人也奈何欲使我為狗彘遂
不事容飾清苦自守事舅姑愈謹教子成人正統間旌萬
志。案俞氏譜宗琳名瑋字盛字以安娶劉氏孝敬
三割股救姑夫病祈以身代有瑞筍之祥亦孝婦也

申屠氏光祿寺典簿廳錄事賈章妻正統己巳胡騎薄京
城旦夕慮不可守章曰我內府官也萬一京城不測我當
從駕奈爾輩何可挈諸子歸鄉里氏曰聞于少保石總兵
守禦有方城中雖急而薪米反賤當不日可平殄苟舍此
而去險阻禍福未可知也已事平聞南歸者途中多被劫

上虞縣志校續

卷十六 列女

掠章乃歎曰不期婦人之見能如此據賈氏譜

王氏羅明二妻明二以行役卒於外王年十九家窘甚俯
仰無措矢志苦守晝夜紡績以養姑鞠子伯父某欲奪其
志王翦髮誓死不二年至八十二終郡守湯紹恩申題旌
表且為文以祭萬歷志。案明二行役府志指為正統間嘉慶志改作洪武不知何據其以明二為

二明者並誤

盧氏二節陳氏盧用濟妻性柔婉通書史歸盧事姑得歡
心未幾用濟歿陳年十九哭葬循禮繼夫兄子伯盩為嗣
撫育備至娶樊氏年十四沈靜人不聞其笑語甫五年伯

寧隨生父應薦赴京客死家業伶仃姑媳相誓同守樊年五十八先姑卒明年陳亦卒年七十七令吉惠遵恩詔表

其門 萬歷志

陳氏庠生劉禧妻御史陳熙女也景泰四年禧赴試於杭邁疾卒時陳年少欲身殉其姑時為防衛乃得免遂斷指以誓奉姑育子備極孝慈及姑歿葬祭務盡禮連遭歲歉至以糠粃作餅精者與子粗者自咽後子若孫俱補弟子員陳歎曰吾夫雖死猶生吾志慰矣欣然瞑目而逝年八

十五 萬歷志。案劉氏譜禧字景福又張文淵為劉朴撰東郊別墅引景福朴之祖父年十六食廩嘉慶志表

上虞縣志校續

卷十六 列女

十一

又載陳氏廩生劉景福妻重出今刪

陳氏張廷揚妻年二十二而廷揚死一子尚在懷抱且貧乏不能自存或勸其再適以死自誓苦節五十餘年正德

間旌 萬歷志

陳氏趙昕六妻年二十六而昕六死二子方幼陳教督甚嚴不以孤子貸長子名胥任湖廣布政使經歷陞常州知

府有惠政 沈奎補稿

祝氏葉廉妻生二子曰璋曰珊廉卒遺腹子曰理時年二十二誓不再適姑病革稽顙北辰求以身代正德間旌 萬歷

志

曹氏二節呂氏曹顯妻年二十餘顯卒遺腹生子琪苦志撫育長娶屠氏未幾琪亦亡遺孫二長信四歲次佐歲餘門祚伶仃姑婦形影相弔矢志同守姑年九十終婦年八十八終後信子曰軒曰輻相繼登進士軒為御史輻為參議佐子輕有聲庠序人謂雙節之報巡按浙江監察御史

歐陽雲為賦雙節詩

萬歷志

俞氏盧憲章妻年二十一生子女各一而憲章卒誓無他志勤紡績以撫遺孤後孤亦卒有富室欲娶之氏聞即縊

上虞縣志校續

卷十六

列女

十三

家人廉知獲免厥後鄉官陳庠結氏親黨誘以富貴脅以威力氏度不免乃給入室更衣縊而死時縣令林球教諭李長源躬致弔祭鄰有金婦孀居亦聞而自縊皆旌表

萬歷

鍾氏孫景雲妻欽禮女幼讀書通文義相夫登進士授玉山令夫婦敬禮如賓年二十二景雲卒於官無嗣一日告其姑曰媳無子奉舅姑幸有諸叔在媳將以身殉夫姑止之以無覓死狀不設備薄晚悉翦夫之衣以為旒夜半密設椅桌於靈座左沐浴更衣懸白綾縊座上厥明姑覺驚

抱其屍於左袖中得銀一錠題曰買棺右袖中有景雲小像當道聞於朝詔旌其門毘陵邵寶爲按察使作記樹碑於通衢而景雲亦祀名宦云

萬歷志○伍餘福萃野纂聞鍾氏者浙之上虞人也年甫笄而歸同邑孫景雲景雲以進士令玉山病革且死鍾氏環室而號之幾絕復甦曰吾終以身殉可也絕粒者數日其姑慰之不能釋家人卜以九月二十日發喪鍾氏知之點檢殉葬儀衛自靈座外更設一座以自待忽語其姑曰若無伯叔則當奉舅姑今伯叔俱在妾無慮矣語畢而其姑在醉中懵如也翌旦叩之則就縊矣年止二十有五眾皆流涕部使者爲之奏聞得建祠以致祭焉

史氏陳大純妻年二十三純亡無子誓不再適將夫詩扇網巾時佩於身後姑百計勒嫁畧無忤言惟蓬首跣足屢

上虞縣志校續

卷十六

列女

三

於密地自經妯娌相救得不死及疾革囑平生所佩詩扇網巾殮於棺曰以此藉手與夫相見示無悖也言畢而逝時年六十有八事聞表其門曰完節

萬歷志

韓氏二節鄭氏庠生韓銓妻銓爲忠義公銑仲弟年二十卒鄭痛不欲生以懷孕忍死俟之彌月生子湜矢志堅守

湜年十三入泮三試皆第一年十八暴病卒婦尹氏御史洪之女年亦十八柏舟自矢與姑鄭相依年五十先姑卒

謝太傅遷表其門

沈奎補稿

陳氏三節龔氏陳榛妻年二十夫亡撫子國華長娶沈氏

國華亦亡沈年二十一遺孤文奎姑媳同守艱苦萬狀文奎長娶馮氏未久文奎又亡三世孤燈僅延一息龔沈俱以壽終馮年踰五十事聞詔以三節旌其門

萬厯志○案一統志府志

作陳臻

羅女永豐鄉人父名壽兄弟三人女齒居三名之曰祥三性至孝於兄弟尤友愛字鄞邑聞氏子未歸而聞歿女聞之欲自縊既而悟曰吾不可死死則傷親心是吾沽貞之名而忘孝之實也乃絕鬚毀容誓不嫁戚黨知其賢爭聘焉父喻之執不可父曰若性烈不汝強然兄弟即相安能

上虞縣志校續

卷十六 列女

十四

保異日姪輩盡相安如兄弟乎時諸昆弟在側咸曰無慮也當爲妹立嗣諸姪中妹自擇可也父喜曰此平日友愛所致也乃以仲兄次子爲女嗣由是與兄弟益相得足不出戶者三十餘年二親歿將殉焉勸而止年八十三無疾終葬祖塋右今貞女後子姓繁衍人咸謂貞孝之報

據探訪冊

蔡氏葛璋妻年十七

兩浙名賢錄作十九

歸璋明年璋卒哀哭殞地

絕而復蘇乃蓬首垢面不欲生未三月里中兒屠某謀娶之其姊爲氏妯娌假他事給與姊會屠從旁竊視之氏覺泣曰生何顏於人世歿何以見亡人耶奉舅姑夜膳畢沐

浴整髻服衰而縊

萬歷志

許女字陸汝含年二十汝含卒女聞訃守喪於正德十三

年四月服除自縊死

據採訪冊

唐氏二節許氏唐亮妻亮試浙闈不遇遊學廣德卒於館舍許年二十四遺孤偉猶在襁褓守之成立爲娶錢氏偉亦早世錢年方十九事姑備孝養兄弟憐其家貧年少且無嗣諷使改適錢取厠水且詈且潑自是人莫敢言許亦慮其不終謂曰我命自苦何復苦汝錢對曰苦則同苦乃翦髮自誓後許以過哀傷明錢扶持益力姑婦相依如母

上虞縣志校續

卷十六 列女

五

子者四十餘年皆以壽終郡守湯紹恩表其門曰雙節同

心 萬歷志

唐氏成孟吉妻年二十一孟吉卒遺孤甫五月唐哀毀骨立室如懸磬僅一老姑相倚爲命父母憐其家貧年少諷使更適唐斷髮跣足若廢人然至欲自縊以決志由是無敢言者養姑育子歷冰霜五十載至七十餘終令楊紹芳爲申其事於當道後四世孫蕙妻葉氏亦以青年孀居苦守課子年二十七髮盡白邑令異之特旌其門人以爲唐

氏所貽世節云

萬歷志

金氏徐彥能妻彥能儀狀雄偉有膂力婚甫二載卽遊外
隨兵征苗後病歿江南金以死自誓晨夕悲號不事鉛華
繼伯子高七叔子高三爲嗣二子成立尋父骸骨歸葬郡
守湯紹恩表其閭康熙志

孫氏徐彥明妻彥明卒孫年二十七家故貧姑又病痿諸
孤待哺無以自給孫矢志不二惟紡績以備食俯仰賴之
事姑十有二年始卒撫其子迄於有成年七十三終通判
雷鳴陽攝邑事爲題其廬萬厯志○康熙志曾
孫學詩以直諫聞

任氏鍾強妻強亡任年二十四姑憐其年少諷之曰家貧

上虞縣志校續 卷十六 列女 七

子幼守節事難任以物碎首誓不二姑因抱頭相向悲泣
後姑病任禱天自代割股和藥以進病頓瘳郡守湯紹恩
表其門康熙志

柳氏徐子瑾妻年二十五而寡遺孤紹宗僅周歲家甚貧
舅姑又老事育維艱柳剪髮嚙指矢志不二夫弟子俊尙
幼柳以紡績佐肄業資後子俊登第敬嫂猶母孀居四十
餘載人無間言嘉靖間旌據徐氏譜

沈氏謝鏐妻歸三年餘而鏐死遺孤甫十月翁姑爲選富
室再適沈聞受聘急託歸監往母家不返者十五年及子

婚娶始歸備極艱苦歷五十年孫讜薦於鄉泣謂曰我五十年前不圖有今日我不負汝祖父天亦不負我聞者墮

淚沈奎補稿

何氏丁詩聘妻未合卷而詩亡何年十六縞素臨喪守志

不移繼姪耀先為嗣孫時嘉靖庚子舉人仕冀州知州康熙

志時妾徐氏時亡徐方少艾人多勸其再適始以利誘之

繼以威迫之徐矢志不二厥後屢遭強暴百計凌辱卒以

不屈死嘉慶志兼採訪

丁氏徐廷仁妻年二十一廷仁遭疾卒丁日夜抱持其孤

上虞縣志校續

卷十六 列女

七

泣不休夫弟某欲奪其志丁號慟嚙斷一指言者亦感悔

嫠居五十餘載後孫震官大理寺評事援例乞恩得旌表

萬曆志

朱氏車廷珏妻廷珏名珊婚未半載而死朱已娠產而得

男大慟曰此未亡人所賴以報地下者不克存孤有如日

勤劬撫育至於長娶婦且有孫矣未嘗踰閭與宗黨言一

日執爨有樵童坐其側怒而起曰若欺吾老寡婦而猥以

身相並耶涕泣不食子婦為跪請乃已其剛潔出自天性

如此萬曆志○案嘉慶志表車作章誤

包氏車暍妻早寡家甚窘遺孤美一在襁褓中包矢志堅卓撫之成立娶邵氏未幾子婦俱亡遺孤孫傳一包年已邁辛苦教育支持門戶蓋以一身當兩世而苦節存孤者

據探訪冊

宋氏庠生姚守約妻年十六歸姚甫二載約病卒遺一子纔八月適姑病阽危顛天願以身代寄其孤於妯姑病旋愈其母憐其少且貧強之更適宋毀容自矢孀居六十餘年而卒

萬歷志

劉氏太學生葛棐妻棐大理卿浩仲子也早卒劉年二十

上虞縣志校續

卷十六 列女

六

四無子自以處富貴非淡泊無以稱節乃謝鉛華治一靜室日持齋素以為生繼姪燦為後燦復早亡遺孤甫三歲撫之成立年八十三終旌表

萬歷志

馮氏朱棣妻盛年而寡復遭內訌家產蕩然堅志苦守初終不易宗黨賢之

據探訪冊○朱衮嘉獎馮節婦事狀畧云族兄棣遺室馮氏既喪所天復罹家孽產屬之官而死不畏父勒之嫁而誓不移茹苦育孤貞操可敬即其初節允宜嘉獎若能至老如一聲實相孚公

可旌門私可垂譜榮寵可勝旣耶羊一隻絹一端用揚厥休文榜諸壁以勵有終且俾鄉黨咸聞焉

曹氏嚴鵠妻年十八歸鵠甫期鵠死舉子才六日撫屍誓志時家產未析諸伯叔潛圖之氏計消其謀一日具飲食

召會宗戚佐孤作謁諸老壽狀氏卽舉聲號曰夫死有欲
嫁我者念與夫訣時誓撫其子必提殺此兒始絕望可長
往耳眾失色驚抱罷酒妄念遂息而孤始獲成立據羅康撰傳

何氏顧院妻婚甫一載院卒何年十九遺腹子一家甚窘

舅姑謀奪其志何嚙指自誓曰此身已與夫同生死所不
死者有孤在吾惟撫此孤以報夫於地下耳居無何其子

雙瞽未嘗稍露怨悔晝夜紡績餬口令瞽子賃舂以佐之

子母相倚怡然自得年九十五終

萬歷志

潘氏范近南妻近南名枋卿髫年以易入邑庠試輒高等

上虞縣志校續

卷十六

列女

九

中丞車百山曰此乃祖侍御公正脈也然竟以篤學成疾

氏割股以進不療卒無子以姪景周爲後

沈奎補稿

竺氏三節薛氏竺方十二妻十二祖鏡父本俱早世祖母

張氏母姚氏俱孀居六十餘年十二稍長喜逸遊不事家

人生理薛歸時先業一空未幾十二嬰惡疾卒姑姚諭薛

曰吾兩世撫遺孤藉有先人敝廬獲終所志今爾無六尺

之孤一椽之屋何恃而守薛跪泣曰政惟是無子無家姑

老何恃願追蹤兩世足矣日事紉浣易薪米以終姑養凡

竺氏習女紅者率師之卒年六十七

萬歷志

黃氏庠生劉鳴陽妻鳴陽早卒黃矢志堅守貧乏無以自存或勸之改適黃泣曰吾聞從一而終敢有他乎日不再餐夜無完簞以凍餒亡

萬歷志

倪氏陳宏兆妻倪紳女歸宏兆生子甫一月宏兆死倪典衣殮葬誓死靡他屢爲繼姑所逼歸依父而父又貧輒枵腹鍼紉佐父朝夕逢姑誕必市果麪致壽每寒食中元除夕及夫忌日則以雞酒麥飯倩鄰僮奠於墓所而自號慟門外北面稽首焚紙錢乃已及父死子稍長乃攜子歸於陳葺廢居棲焉年七十一終

萬歷志

上虞縣志校續

卷十六

列女

三

吳氏范廣瀚妻年二十瀚病卒貧無立錫夫弟廣沔迫令改適窘辱備至吳嚙指截髮就縊者數四家人救甦日惟辟纊紡紉以給衣食里媪有憐之者曰汝家貧無倚復遭內訌何自苦如此吳泣曰吾知有死耳豈負亡夫哉墮淚皆血矢志益堅竟以壽終

萬歷志

馮氏徐郡妻郡贅於馮婚一載以力學勞瘁卒於家遺孤尙志甫七日馮聞訃亟抱孤奔喪哭葬如禮以父母事舅姑撫孤慈愛曲至迨子長娶婦舉孫馮心稍稍喜未幾尙志復病歿馮泣曰濡我數十年死者以七日孤耳孤且今

過去吾何以生因嗚咽不能食卒年七十二萬歷志

徐娥葛之泰聘妻泰病夭娥年十四聞之遂縞衣茹素杜足深閨室人無得啟其言笑每逢宴饗父母強之出堅卻不與守閨二年病劇骨立而死年才十六耳父三陽哀其志合葬于之泰之墓陳恭介公爲立傳萬歷志

陳氏徐萬選妻幼習書能詩年二十適萬選選力學病羸且革氏泣語曰君讀書致斃妾不能防君將從君地下藐孤有尊人在無慮也選墮淚不能語作搖手狀未幾死家人環哭忽不見氏亟呼之已扃門縊矣救之移日始甦自

上虞縣志校續

卷十六 列女

三

是絕飲食父母來肩輿昇氏歸奄奄不起一日遣人抱遺孤復姑且口占詩送之曰今日兒生離明朝孃死別兒去不知孃孃死向父說遂瞑一紙置拇指間云殉夫萬選妻陳氏將殮取手中紙堅不可拔卒年二十六萬歷志

陳女貢生志竣女天性篤孝及笄值母葉病劇醫藥弗效乃夜於閨室翦股肉以進誠侍婢勿言無何女旋病而母竟死志竣見女肱曲不伸廉其故婢乃言之已而女哀號哭泣枯槁以死竣將白之當道乞旌未幾亦暴疾死遂無

有表之者萬歷志

孫夫人御史陳紹妻少有女德紹欲劾奸相嚴嵩以語孫
孫贊助甚力紹遂具疏上之已出守韶州卒於官孫年二
十六扶櫬歸煢煢子立履不踰閩親黨之卑者惟帷外肅
揖未嘗見其面如是者四十餘年

嘉慶志

薛氏徐希明妻父早世母韓嫠而搆疾薛年才十二侍藥
甚謹暮則齋戒禮斗百拜而起者年餘母憐而譙訶之不
可止年十九歸希明

鄒元標薛宜人墓誌銘

宜希明子如山繼娶邵氏

邵年二十二生子廷英而如山死日勤紡績孝養舅姑和
洽妯娌無間言課子力學天啟甲子登賢書每以忠孝大

上虞縣志校續

卷十六 列女

三

節訓英後英更名一掄任保山令擢御史上疏母節旌表

建坊

康熙志

嫠女謝明湖家婢明湖娶陳氏生三子與陳偕卒三子幼
家又貧嫠女感主德誓不適人紡績撫養備極艱辛得使
三子皆有所成立且爲明湖置祀田二畝惜不詳其姓氏

謝海山
雜錄

姚淑人克俊女年十六歸餘姚黃尊素及尊素入爲御史
楊左魏李諸公朝夕過訪語及羣小陰謀輒喟然歎息寘
退淑人進曰公等不能先事綢繆歎息奚益耶後尊素被

逮淑人每夜分祈北辰下願以身代逆奄就誅賜章服三品教其子宗義爲復社領袖南國諸生顧杲等公許奄黨阮大鍼宗義名第三大鍼後柄用中旨逮治淑人欣然曰豈意章妻滂母萃吾一身山陰劉宗周常熟瞿式耜皆目之曰女師

明詩綜

丁氏徐振德繼妻適徐甫三載生子勳而振德亡丁年二十誓死不復生姑周亦孀居泣云吾家兩世不絕如綫幸有一孫天或佑之今死不如養孤祖祀勿殄也丁痛絕復蘇者再因受命奉姑撫孤艱苦備歷姑病劇割股和藥以

上虞縣志校續

卷十六 列女

三

救姑病獲痊後姑八十餘終丁終年八十有六子勳歷任

江西建昌府南康府幕築城濬濠有惠政

康熙志

張氏竺四妻年二十夫亡遺孤一張操井臼務紡績孝事

舅姑訓子有方言笑不苟舅姑年八十二同日逝張治喪

葬悉如禮年八十有四終子虛中庠生以孝稱

康熙志

陳氏俞溥二妻年十九溥二死遺孤未周歲陳毀容守志日勤紡績孝奉舅姑有堂伯某利其財貲諷使嫁陳抱孤泣不休亦不答一日伯以餅食其孤方食驚而啼陳疑予犬犬斃陳痛哭曰兒縱死吾志終不可奪也是夜夢其夫

告曰兒之不受毒者予力爲之今訴之冥府惡人死不遠

矣次年伯果以惡疾斃陳年八十四終康熙志○案溥二舊作仲溥據俞氏

譜更正嘉慶志表又載陳氏俞溥妻重出從刊誤刪

陳氏儒士許成義妻甫于歸卽脫簪珥助夫力學年二十

四夫卒遺孤二苦志堅守孝養舅姑子就外傳每以成德

立名爲訓倪文貞公爲立傳贊子吉人貢生宏人庠生康熙

志

陳氏府志作謝氏郡庠生葛承憲妻年二十三憲以暴疾死遺

二子俱幼初族有盜者憲擯斥之乘憲死盜欲殺其子及

上虞縣志校續

卷十六

列女

五

陳陳覺持二子避得免盜焚其廬後苦積復構堂伯某盜

賣祖塋於勢宦陳罄家貲以贖事舅克孝課子惟勤卒年

八十四子三龍三友俱邑庠生康熙志

陳氏趙則乾妻則乾力學早卒遺孤尙襁褓陳年甫二十

鄰里勸再適陳痛絕復蘇以舅姑老孤幼強飲食維績度

日有甘旨必先奉舅姑餘以哺孺子人皆稱爲苦節云康熙

志

章氏周國光妻光家貧力學章每伴燈夜績相勸勉光死

章年十七族以家貧無子勸他適章持刀欲自殺自是遂

莫敢言形影相弔終始如一合吳士貞表其門康熙志

李氏庠生徐啓聰妻聰髫年遊泮苦學病歿李矢志孀居

哀毀骨立每逢辰節哭泣廢食垂老足不出閫奉姑韓尤

盡孝養姑病篤焚香籲天割股和藥姑病獲痊康熙志

胡氏太學生林荅妻荅赴試北雍旋里卽歿胡年二十二

一志苦守扃戶紡績事姑至孝會姑病籲天願以身代病

遂愈課子甚力學業皆有成壽至百歲郡守葉顏其額曰

節壽雙全康熙志

陳氏庠生黃綵妻綵歿有以年少勸改志者輒哭泣拒之

上虞縣志校續 卷十六 列女

三

壽至百歲後元孫婦馮氏早孀節亦如陳訓督二子乾隆府志

俞氏陳尙禮妻禮性孝家貧教學在外氏日勤紡績代夫

定省減食奉姑值姑病危氏焚香禱以身代割股和羹進

之姑病獲痊康熙志

虞氏鍾省一妻適鍾三載生子鳴岐而省一死虞苦志守

節紡績撫孤娶媳周氏年十五克盡婦道值姑病周與夫

晝夜悲號祈以身代割股和藥姑病得愈邑侯周銓表其

門曰雙孝可風康熙志○案周氏以孝稱嘉慶志於節婦表列其名誤又案表門在崇禎間今改歸明

陳氏太學生陸允純繼妻少司馬洙之女孫也年十八適陸生二子純前妻生一子陳鞠育一體無殊純赴試都門以疾卒陳謝絕鉛華砥節訓子動遵禮法鄉黨以貞淑稱

康熙志

薛氏羅繼誠妻年十八而繼誠歿哀毀自縊姑救之氣絕少頃蘇勸之曰繼誠無後幸汝懷孕獨不顧羅氏一塊肉乎越三月遺腹生子薛立繼誠位朝夕焚香躬自課子不見外人者十餘年年七十無疾而卒

嘉慶志

倪氏顧允星妻允星年甫冠生二子卽北遊京都爲部掾

上虞縣志校續

卷十六

列女

三

卒於邸倪聞訃慟絕及柩歸停園中與倪室隔一垣朝夕睇望每遇風雨卽撫二孤飲泣及子長始命改葬曰吾今

得瞑目矣

沈奎補稿

陳氏袁同八妻年二十七而寡生一女出嫁亦早寡一日過女值演戲女欲隨姑往觀力止之曰處常宜戒孀婦尤宜禁絕養子寅四戒以做人要如寡婦守身而寅四亦以強年歿氏益無倚卒年八十七

沈奎補稿

李氏徐秉端妻少寡而貧或勸他適嚙指自誓後二子以賈起家孫景辰崇禎丙子舉人

據徐氏譜

呂氏縣令史唐應奎妻係餘姚名族適唐二載生子樂生甫週歲而應奎卒呂年十八哀慟誓死幾絕姑慰以育孤嗣後爲重泣受命躬操井臼孝養純篤訓子必遵禮法卒年六十有八子樂生以孝聞孫徵麟 國朝順治丁酉舉人康熙志

徐氏二節陳氏廩生徐承宣妻參政惟賢孫媳也承宣年十九病歿陳年亦十九遭孤復光甫二歲撫之成立補弟子員爲娶李氏生孫二而復光復蚤逝陳與李訓育二子苦守終身康熙志

上虞縣志校續

卷十六

列女

三

劉氏二節虞氏劉克明繼妻夫卒舅姑勸更適虞曰舅姑二男皆亡何以爲活未幾舅姑死虞年僅三十許家產凋零日夜紡績以訓諸子宗黨賢之庠生克培妻陶氏亦早寡撫孤堅守並以節著備稿

褚宜人員外郎徐爾一妻也通文翰尤明大義時島帥毛文龍握重兵蜚語有異志廷議惑之爾一請以三子一孫保其不異以疏示宜人宜人曰君旣爲國憐才妾敢愛子若孫誤國大事乎遂闔門待命嘉慶志

徐氏三孝婦陶氏陶頤齡女徐廷玠妻事舅姑至孝陶媳

張氏張元怵女陶病張目不交睫日夕侍左右割股以進

陶病遂愈張媳張氏亦以孝聞

會稽縣志

王氏謝奎妻事姑至孝壽至九十有一

據探訪冊

薛氏徐國泰妻國泰為保安守備崇禎甲戌大兵登城

國泰率民巷戰力不支歸告氏氏曰今日之事已裁決第

未擇死所耳國泰曰智井可曰諾國泰立視之則盡紉其

衣裙及韃赴井死同時死者國泰妾王與弟履泰妻趙妾

李外母劉暨女三婢三

嘉慶志

黎氏宋大賓妻年二十賓患病浹歲氏揮淚延醫知夫必

上虞縣志校續 卷十六 列女 三

死即治二棺殮衣冥旌二人皆異之賓歿置二棺於寢殮

其夫訖衣所殮衣投繯棺側鄰人驚救繩結甚固不可解

周令銓表其門曰有烈士風墓在阜李湖東

康熙志

丁氏三孝婦楊氏丁權妻明季遇難負病姑以避謝氏丁

文協妻陳氏丁喬妻皆割股療翁疾者

據探訪冊

王夫人倪文貞之配也文貞在史局時多感慨時事指畫

所形動觸威貴方草疏未發親朋知之者色動舌出撓禁

千端夫人聞羣譁謂文貞曰請得一涉指歸示之草乃拍

手大笑曰君語平平諸君何事須懼即如此遂爾驚天動

地豈爾輩男子真僵蠅腐草耶文貞決策遂上其後雖由

此得禍乃更相忻一時聞者並賢夫人倪文貞集

俞夫人侍郎徐人龍配也淑而才崇禎十七年國變人龍

破產勤王夫人罄簪珥佐軍餉補縫行間據徐氏譜

張氏鄭振生妻居南鄉漁灣江沿崇禎十六年草賊蜂起

氏年二十以少艾被掠將挾之渡江氏矢志不失節甫登

舟計清流無底正得死所因給賊寬縛賊信之略可轉動

即急赴中流賊倉卒無所為計遂策馬西去數日後家人

稍稍集於淺水中得氏屍面如生沈奎補稿

上虞縣志校續 卷十六 列女 完

張氏趙德遴繼妻崇禎間德遴官東鄉令乙酉夏城破氏

與德遴并德遴妾陳氏同投井死家屬同殉者又十四人

越殉義錄○德遴傳作十七人

凌氏李浩然繼妻崇禎甲申浩官千總守保定力戰陣亡

氏遂投井死嘉慶志

鄭慧瑩字明湛餘姚鄭咸一女倪文貞次子會覃婦也其

答子封會覃字詩云青鸞有信孰傳愁目斷天涯倚斷樓東

溪渡口帆千片知道君歸那一舟露含無語催霜白風慘

餘聲代月愁池上海棠初發蕊誰憐瘦影為傷秋西湖覽勝詩選

袁氏性貞淑父坦一奇愛之年十五字陳士顯越二載士顯卒訃聞氏哀懇父母欲臨喪父母不可兄原一爲竭情代請乃許焉入門見舅姑畢卽解髮束麻相與治後事若家人然旣殮父母趣之歸泣曰此吾家也將安歸舅姑慮其不卒多方誡之氏嚙指以誓苦心瘁力孝養舅姑母病劇剖股以療夫服未闋父母與舅喪相接至氏八載齊衰無一日離身嘔血而卒

據陳應霖撰傳○案康熙志士顯作範十五今書名